

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-205/18
Vareš, 15.01. 2018. godine

Na osnovu člana 15. Zakona o principima lokalne samouprave u FBiH (Službene novine Federacije BiH broj: 49/06) i člana 33. tačke 12. Statuta Općine Vareš – prečišćeni tekst, broj: 01-162/12 od 11.09. 2012. godine, p o d n o s i m :

IZVJEŠTAJ O RADU OPĆINSKOG NAČELNIKA ZA 2017. GODINU

Vareš, februar 2018. godine

SADRŽAJ

1. UVOD.....	3
2. AKTIVNOSTI OPĆINSKOG NAČELNIKA.....	3
3. IZVJEŠTAJ O RADU SLUŽBI	10
3.1. JEDINICA ZA UPRAVLJANJE INTEGRISANIM LOKALNIM RAZVOJEM – JURA.....	10
3.2. SLUŽBA ZA OPĆU UPRAVU I DRUŠTVENE DJELATNOSTI I BORAČKO INVALIDSKU ZAŠTITU.....	13
3.3. OPĆINSKA SLUŽBA ZA PROSTORNO UREĐENJE I SLUŽBA ZA PRIVREDU, FINANSIJE I TREZOR.....	18
3.4. SLUŽBA ZA CIVILNU ZAŠTITU.....	26

1. UVOD

U okviru svog djelokruga rada, Općinski načelnik je izvršavao poslove koji su mu povjereni Zakonom, utvrđivao prijedloge općih akata koje donosi Općinsko vijeće, davao mišljenja o prijedlozima Odluka i drugih akata koje Općinskom vijeću upute drugi ovlašteni predlagači, izvršavao i osiguravao izvršavanje općih akata Općinskog vijeća, te drugih akata Općinskog vijeća, upravljao nekretninama i pokretninama u vlasništvu Općine, kao i prihodima i rashodima Općine, utvrdio prijedlog izvršenja Budžeta Općine za 2017. godinu, usmjeravao djelovanje Jedinственog općinskog organa uprave Općine Vareš u obavljanju poslova iz samoupravnog djelokruga Općine, nadzirao njegov rad, te obavljao i druge poslove u skladu sa pozitivnim propisima, Statutom Općine Vareš i aktima Vijeća.

2. AKTIVNOSTI OPĆINSKOG NAČELNIKA

Djelovanje Općinskog načelnika u 2017. godini odvijalo se istovremeno na nekoliko polja, prije svega prioritet je bio saniranje Općinskog Budžeta u onom omjeru u kojem su nam okolnosti dozvoljavale, a s druge strane što kvalitetnije udovoljiti svim potrebama građana općine Vareš, a u okviru finansijskih mogućnosti planiranih Budžetom.

U protekloj godini na nivou svake službe općinski propisi su usklađivani sa izmjenama i dopunama zakonske regulative.

Općina Vareš je u protekloj godini primila devetnaest pripravnika putem Javnog oglasa Zavoda za zapošljavanje FBiH, devet pripravnika VSS i deset pripravnika SSS. Taj trend će se nastaviti i u 2018. godini.

U oblasti pravovremenog i objektivnog informisanja građana o svim značajnim dešavanjima na području općine Vareš, u protekloj godini je nastavljena saradnja sa elektronskim i printanim medijima, posebno sa Radio Bobovcem. Takođe, Općina Vareš je putem službene internet stranice obavještavala javnost o svom radu i aktivnostima.

U prošloj godini, nastavljena je kontinuirana praksa kompletnog javnog prenosa sjednica Općinskog vijeća na Hrvatskom radiju Bobovac, te informisanje građana o svim važnijim događajima, radu Kolegija Općinskog vijeća i Općinskog načelnika i drugim pitanjima od značaja za građane.

Posebno ističemo slijedeće sastanke, posjete i prijeme:

11.01.2017. Vareška delegacija u posjeti Luksemburgu kod gospodina Ivana Žilića i državnog tajnika Zvonke Milasa

Vareška delegacija u sastavu: općinski načelnik Zdravko Marošević, župnik župe Vareš fra Mirko Majdandžić, predsjednik HKD "Napredak" Mario Mirčić i urednik lista "Bobovac" Mladenko Marijanović bila je na službenom putu u inostranstvu. Cilj putovanja je bio promocija vareških potencijala i privlačenje stranih ulaganja. U sklopu putovanja dana upriličen je sastanak sa Zvonkom Milasom, državnim tajnikom Središnjeg državnog ureda za Hrvate izvan Republike Hrvatske i Ivanom Žilićem, kojega je načelnik Općine Vareš upoznao sa trenutnom ekonomskom situacijom u Varešu i njegovim mogućim učešćem na određenim projektima u Općini Vareš.

01.02.2017. Komesar MUP-a ZDK Semir Šut posjetio Općinu Vareš

Predstavnici MUP-a razgovarali su s načelnikom Zdravkom Maroševićem o aktuelnoj situaciji i općenito o stanju sigurnosti u Varešu. Redovna posjeta policijskog komesara Policijskoj stanici ali i općinskom načelniku u okviru njegovih aktivnosti. Tema sastanka se odnosila na situaciju u Varešu i suradnju s policijom, kao i različiti problemi s kojima se susreće jedna lokalna zajednica poput Vareša. Komesar je upoznat sa stanjem sigurnosti i izrazio zadovoljstvo dosadašnjim radom i suradnjom s policijom.

13.02.2017. Prezentacija projekta "Prva pruga mira, turizma i ekologije"

U Zavidovićima je 13.2.2017.godine održana prezentacija projekta "Prva pruga mira, turizma i ekologije", a organizator skupa bio je Balkanski klub mira u Bosni i Hercegovini. Projekat se tiče izgradnje pruge uskog kolosijeka na relaciji Zavidovići – Rogatica (Podzid – Ribioc – Slap), a prolazila bi kroz općine Zavidovići, Vareš, Olovo, Sokolac i Han Pijesak. Prezentaciji su prisustvovali predstavnici i načelnici općina Zavidovići, Olovo, Vareš, Han Pijesak, Sokolac i Rogatica.

22.02.2017. Investitori iz Turske u posjeti Općini Vareš

Općinu Vareš su posjetili predstavnici firme iz Turske koja se bavi preradom drveta i koja želi investirati na prostoru BiH. Radi se o jednoj od najuspješnijih firmi u Turskoj, a petoj u svijetu po proizvodnji kada je prerada drveta u pitanju. Namjera im je investiranje u

proizvodne pogone na područjima Mađarske, Rumunjske, Slovenije, Hrvatske, Bosne i Hercegovine. Od lokaliteta u Bosni i Hercegovini odabrani su Vareš i Vitez zbog prostora i drvnog bogatstva. Konkretno, misli se na proizvodnju medijapan ploča za čiju izradu je potrebna bukva i sve vrste crnogorice.

02.03.2017. Sastanak u ministarstvu kulture i sporta FBiH

Ministrica kulture i sporta Federacije BiH Zora Dujmović primila je načelnika općine Vareš Zdravka Maroševića i Šemsudina Maljevića, predstavnika i koordinatora njemačke organizacije HELP. Fokus razgovora je bio oko modaliteta vezanih za obnovu kraljevskog grada Bobovca, odnosno jasnom određivanju i pozicioniranju svih zainteresiranih strana kod izrade projektne dokumentacije i svih daljnjih aktivnosti. Izražena je apsolutna potpora obje strane na daljnjim zajedničkim poslovima.

20.03.2017. Vlada ZDK u posjeti Općini Vareš

Uz premijera Miralema Galijaševića delegaciju su činili: ministar finansija Andrej Kajić, ministar ekonomije Zlatko Jelić, ministar za pravosuđe i upravu Mirnes Bašić, ministar za poljoprivredu, šumarstvo i vodoprivredu Himzo Smajić, ministar za obrazovanje, znanost, kulturu i sport Mensur Sinanović, ministar za prostorno uređenje, promet i komunikacije i zaštitu okoline Fahrudin Brkić, ministar zdravstva Dragoljub Brenjo, ministar za boračka pitanja Fahrudin Čolaković i direktor Kantonalne uprave civilne zaštite Džavid Aličić. Nakon radnog sastanka kod načelnika i upoznavanja sa stanjem u općini delegacija je krenula u obilazak privrednih subjekata.

30.03.2018. Direktor Terminala Federacije BiH u posjeti Općini Vareš

U posjeti Općini Vareš boravio je v.d. direktor Terminala Federacije Džemal Bašić. Načelnik je upoznao gosp. Bašića sa stanjem u Varešu, kako sa tekućom problematikom tako i sa određenim pomacima koji se u zadnjem periodu dešavaju. Ključni problem je nezaposlenost i nemogućnost općine da raspolaže zapuštenom imovinom firmi koje su prije rata radile u Varešu a sada su zatvorene. Džemal Bašić je izašao s konkretnim i za Vareš veoma povoljnim prijedlogom, a to je ponovno puštanje u rad akvaterminala koji se nalazi u Maloj rijeci, te prebacivanjem na općinu svih pratećih objekata koji se nalaze u sastavu terminala kako bi se isti ponudili potencijalnim investitorima.

28.04.2017. Svečano otvoren "Tourist info" centar

Svečanosti otvaranja su prisustvovali ministar prostornog uređenja FBiH Josip Martić, ministrica kulture i sporta FBiH Zora Dujmović, predsjednik Fondacije za obnovu i razvoj regije Vareš Mladen Rudež, predstavnici njemačke organizacije HELP, predstavnici organizacije za ruralni turizam Alterural i predstavnici kluba ekstremnih sportova KES Perun Vareš. U općinskoj sali je održan sastanak gdje je goste pozdravio načelnik Zdravko Marošević, a o trenutnom stanju i aktivnostima u oblasti turizma govorio je Boško Andrić. Prisutnima su se također obratili ministar Martić, ministrica Dujmović te gospodin Rudež.

02.06.2017. Predstavnici NK Čelik u posjeti Općini Vareš

Općinu Vareš posjetila je delegacija NK Čelik iz Zenice. Delegaciju su sačinjavali Nermin Hadžiahmetović, dugogodišnji trener koji je trenirao brojne BiH prvoligaše, bio selektor U21 reprezentacije BiH, a okušao se kao trener i van granica BiH trenirajući u Bahreinu i Saudijskoj Arabiji. Jasmin Memišević, bivši igrač Čelika, te bivši igrači a sada treneri u omladinskom pogonu Čelika, Benjamin Terzić i Sabahudin Bujak. Goste je dočekala delegacija NK Vareš na čelu sa načelnikom Zdravkom Maroševićem, u funkciji predsjednika NK Vareš. U pozdravnom obraćanju načelnik je istakao važnost sporta za funkcioniranje lokalne zajednice a prvenstveno za pravilan razvoj mladih. Spomenuo je da ove godine NK Vareš slavi 90 godina postojanja i da će proslavu obilježiti gostovanje NK Hajduk iz Splita. Naveo je da su trenutni prioriteti obnova stadiona i pratećih objekata kako bi sportaši imali što bolje uslove.

11.07.2017. Obilježena 22. godišnjica genocida u Srebrenici

Ispred Općine Vareš organizovano je okupljanje građana u znak sjećanja na genocid u Srebrenici koji se dogodio prije 22. godine. Okupljanje je organizirala Bošnjačka udruženje kulture "Preporod" na čelu sa predsjednicom Seudinom Beganović. Prisutnima su se obratili i Sadžid ef. Ramić te općinski načelnik Zdravko Marošević. Svi su imali sličnu poruku a to je da se ne zaboravi i nikada više ne ponovi.

30.08.2017. Obilježavanje projekta "Cross Cultures - Open Fun Football Schools"

Na gradskom stadionu NK Vareš bili smo u prilici da ispratimo kulturno-sportski događaj „Open Fun Football School“ koji se od 2005. godine odvija kroz suradnju dvije općine, općine Ilijaš i općine Vareš, pod pokroviteljstvom vodeće svjetske nevladine organizacije „Cross Cultures Project Association“ iz Danske. Raznim igrama društvenog, kulturnog i

sportskog karaktera su uz omladinsku školu fudbala grada Vareša prisustvovali i omladinci iz Ilijaša, te tako zajedničkim snagama upotpunili ovaj projekat značajan za društvo. Uz vođe timova i trenere iz oba grada, svoju podršku ovoj manifestaciji je pružio i načelnik Općine Vareš Zdravko Marošević i Šef kabineta općinskog načelnika Ibrahim Spahić. „Ulagati u omladinu, kulturu i sport jer je to svakako jedan od najvažnijih aspekata svakog društva. Podrškom ovakvim projektima nastojim da Vareš ide jednim novim putem za našu zajednicu, gdje će se djeca moći družiti i razmijenjivati iskustva u jednom zdravom i sportskom okruženju“, rekao je načelnik Zdravko Marošević. Još jedna od poruka načelnika je bila da pozitivna promjena počinje od svakog građana Vareša, navodeći aktivno uključivanje u društvo, kao i ulogu prosvjetnih radnika koju imaju u odgoju naše djece.

14.09.2017. Posjeta potencijalnih ulagača iz Kine

U posjeti Općini Vareš boravili su predstavnici kineske kompanije "Shanghai CRRC Urban Traffic Construction & Investment", kompanije koja se bavi ulaganjem i izgradnjom željezničkih infrastruktura kao i drugih vidova javnog prevoza uz podršku kineske vlade. Uz prigodan doček u prostorijama Općine Vareš, načelnik Zdravko Marošević je u ime općine izrazio dobrodošlicu i zahvalu na posjeti gostima iz Kine. Radnom dijelu sastanka prisustvovali su mnogi stručnjaci iz relevantnih sfera nastojeći što bolje prikazati kapacitete i potencijale općine Vareš kao područja sa ogromnim rudnim i šumskim bogatstvima. Na sastanku se takođe raspravljalo o mogućnosti ulaganja u projekat za izgradnju pruge Banovići-Vareš, koja bi kroz suradnju dvije općine olakšala transport ljudi i dobara. Generalni direktor UTCI-a Dong Miu je u izjavi rekao da je kompanija veoma zainteresovana za ulaganje i razvoj ovog projekta te da će kroz suradnju sa grupacijom ASA prevent nastojati ostvariti zamišljeno. Takođe je naveo da je podrška državnih i lokalnih vlasti veoma bitna u ostvarenju projekta. Načelnik Općine Vareš Zdravko Marošević poručio je da će pružiti punu saradnju uz nadu da je plan izgradnje pruge preokret za budućnost općine Vareš kao lokalne zajednice.

18.09.2017. Projekat "U susret novim zaštićenim područjima u BiH"

U Trebinju je održan prvi sastanak zainteresiranih strana "U susret novim zaštićenim područjima u Bosni i Hercegovini" koji vodi Program UN-a za okoliš u suradnji sa resornim ministarstvima entiteta. Projekat je trogodišnji i usmjeren je na širenje mreže zaštićenih područja kroz uspostavljanje novih zaštićenih područja. Projekat podrazumijeva tri komponente, a predviđeno je uspostavljanje zaštite za devet područja u BiH, među kojima je i

planina Zvijezda, za koju je prije više od dvije godine urađena Studija izvodljivosti. Sastanku su prisustvovali načelnik Općine Vareš Zdravko Marošević, ministar za prostorno uređenje, promet i komunikacije i zaštitu okoliša Ze-Do Fahrudin Brkić, Viši referent za projekte i zaštitu okoliša u Općini Vareš Boško Andrić i predsjednik Fondacije za obnovu i razvoj regije Vareš Mladen Rudež.

29.09.2017. *Javno svjedočenje žrtava rata*

U prostorijama Općine Vareš održana je javna tribina o iskazima žrtava proteklog rata u okviru projekta "Povjerenje, razumijevanje, odgovornost za budućnost – Moja priča" koji se ostvaruje uz podršku humanitarnih organizacija USAID-a, CRS-a (Catholic Relief Services) i Caritasu u Bosni i Hercegovini. Načelnik Općine Vareš Zdravko Marošević je na kraju iskazao časti što je imao mogućnost da obezbijedi uvjete i bude domaćin za jedan ovakav događaj, koji karakterišu principi mira, povjerenja, razumijevanja i odgovornosti za budućnost našeg postkonfliktnog društva. "Ovo izlaganje neka nam bude opomena. Vareš kao mjesto visoke tolerancije i suživota ljudi različitih nacionalnih pripadnosti, može biti primjer funkcionisanja međuljudskih odnosa zasnovanih na principu povjerenja, poštovanja i suradnje", izmiješanih osjećaja rekao je načelnik. Svi učesnici ovog skupa su se složili sa jednim, da je jedini put za našu zemlju put pomirenja, oprosta i zajedničkog življenja bez stvaranja razlika na bilo kojem osnovu u našem i već tako podijeljenom društvu.

05.10.2017. *Rekonstrukcija deponije "Kota"*

Projekat JKP d.o.o. Vareš „Rekonstrukcija deponije Kota“ je jedan od devet odabranih u proceduri provođenja Javnog poziva za realizaciju projekata iz oblasti zaštite okoliša za 2016. godinu koji se odnose na oblast upravljanja otpadom. Predviđeni radovi na općinskoj deponiji, su uključivali sljedeće: čišćenje platoa, saniranje deponije zemljanim materijalom, izrada protupožarnog puta, postavljanje zaštitne ograde sa ulaznom kapijom, te nasipanje prilaznog puta.

23.10.2017. *Obilježena godišnjica masakra nad Bošnjacima Stupnog Dola i Vareša*

U selu Stupni Do kod Vareša obilježene su 24 godine od zločina nad bošnjačkim stanovništvom na ovom području, mjestu koje je postalo simbol jednog od najvećih stradanja Bošnjaka u minulom ratu. Komemoraciji se uz veliki broj mještana Stupnog Dola i Vareša, odazvao i općinski načelnik Zdravko Marošević, koji je zajedno uz svoje suradnike položio cvijeće na spomen-česmu stradalim. "Stupni Do je tragedija Vareša i svakako treba da se

prisjećamo toga na ovaj način, ali takođe trebamo nastojati da idemo dalje ka boljoj budućnosti, sjećajući se žrtava i tražeći odgovornost”, u obraćanju prisutnim načelnik je nastojao prenijeti poruku zajedništva, mira i suosjećanja sa žrtvama. Podsjećamo da su 23.oktobra 1993. Pripadnici brigade HVO-a, u ovome ne milom događaju ubili 38 civila. Među njima 17 žena i petero djece.U ovom monstruoznom zločinu 11 osoba su žive zapaljene i izgorjele u jednoj od kuća. Spaljeno je 58 kuća, kao i lokalna džamija. Istog dana, u Varešu je zarobljeno oko 450 muškaraca Bošnjaka, a sedam osoba je ubijeno.

03.11.2017. Upriličen doček izviđačima iz Švedske

U sali Općine Vareš uz stručno osoblje načelnik Općine Vareš Zdravko Marošević ugostio je grupu izviđača iz Švedske koji su ovih dana bili u posjeti Varešu. Načelnik je izrazio dobrodošlicu i zahvalu izviđačima na dolasku i posjeti našem gradu, te u ime Općine Vareš pripremio poklone, poput suvenira simbola rudara, kao obilježja grada Vareša i zastavicu kraljevskog grada Bobovca. Načelnik je izviđače ispratio uz nadu da će ponijeti dobra iskustva iz našeg grada i ponovo doći u posjetu.

20.11.2017. Vlada FBiH rasporedila 1 000 000 KM kao finansijsku pomoć Općini Vareš

Danas je donesena Odluka o raspodjeli sredstava tekućih transfera drugim nivoima vlasti, kojom je Općini Vareš dodijeljeno 1.000.000 KM kao finansijska pomoć. Ovaj korisnik je zadužen da sredstva troši u skladu s principima restriktivne budžetske politike.

07.12.2017. Zdravko Marošević najnačelnik u 2017. godini

Žiri Europske neovisne Agencije za izbor i promociju najuspješnijih poslovnih ljudi i kompanija odlučio je dodijeliti priznanje načelniku Općine Vareš Zdravku Maroševiću kao najnačelniku za 2017. godinu. Prestižno priznanje vareškom načelniku uručeno je u Banskom dvoru u Banjaluci, gdje je održana 37. ceremonija proglašenja najboljih od najboljih poslovnih ljudi i kompanija iz regije Jugoistočne i Srednje Europe.

Načelnik je istakao da ovo nije samo njegovo priznanje nego priznanje cijeloj općini, i izrazio nadu da će priznanje biti poticaj kako za ljude u Varešu da rade još više, tako i za investitore izvan Vareša da dođu i investiraju u Vareš.

18.12.2017. Sastanak zvaničnika Obrtničkih komora FBiH i ZDK sa predstavnicima "Starih zanata" Vareša

Dana 18.12.2017. godine u službenoj posjeti Općini Vareš bili su predsjednik Obrtničke

komore ZDK Seid Brka, Željko Babić predsjednik Obrtničke komore FBiH i Rasim Hamidović član Upravnog odbora Obrtničke komore Tuzlanskog kantona, zajedno uz predstavnike starih zanata grada Vareša ugostio ih je načelnik Općine Vareš Zdravko Marošević. Razgovor između gore pomenutih se vodio na temu kako unaprijediti prava, te pospiješiti uvjete rada vareških obrtnika uz pomoć lokalne zajednice Općine Vareš i angažman predstavnika Obrtničke komore Federacije BiH i Zeničko-dobojskog kantona. Načelnik Općine Vareš Zdravko Marošević je dodao da se Općina Vareš treba okrenuti ka drugačijim načinima razvoja u odnosu na prethodne godine, koji se nisu pokazali učinkovitim. U Vareš treba ugraditi poduzetnički duh, koji će potpomagati institucije poput Obrtničke komore FBiH i ZDK. Ova suradnja će svakako biti od koristi ljudima koji se bave bilo kojim vidom poduzetništva u Varešu i za daljni razvoj općine.

28.12.2017. Načelniku Općine Vareš dodijeljena zahvalnica za pomoć u radu "Crvenog križa" Vareš

Dana 28.12.2017. godine načelnik Općine Vareš Zdravko Marošević je imao priliku posjetiti prostorije Crvenog križa u Varešu, gdje mu je na skupu koji se održava svake godine kao rezime godišnjeg rada organizacije, uručena zahvalnica za pomoć u radu Crvenog križa.

3. IZVJEŠTAJ O RADU SLUŽBI

3.1. JEDINICA ZA UPRAVLJANJE INTEGRISANIM LOKALNIM RAZVOJEM – JURA

Jedinica za upravljanje lokalnim integrisanim razvojem zadužena je da analizira stanje, inicira i učestvuje u izradi propisa iz oblasti LER-a, te inicira donošenje i učestvuje u izradi planova, programa i projekata od interesa za općinu. Kada konkretnije govorimo o nadležnostima možemo reći da su osnovni zadaci jedinice za upravljanje razvojem :

- Izrada planova i programa vezanih za realizaciju strateških ciljeva (lokalni ekonomski, društveni i socijalni razvoj i razvoj u oblasti infrastrukture i ekologije);
- Kreiranje povoljnijeg ambijenta za razvoj poduzetništva;
- Stručna obrada i priprema zahtjeva za finansiranje projekata;
- Praćenje svih javnih poziva s ciljem kandidiranja projekata kao i praćenje svih poziva domaćih i međunarodnih organizacija i razvojnih agencija;
- Koodiniranje u razmjeni i redovnom ažuriranju relevantnih podataka koji se nalaze u općinskim službama i drugim organizacionim jedinicama;

-Pravovremeno izvještavanje Općinskog načelnika o trenutnoj fazi realizacije pojedinih projekata iz akcionog plana realizacije strategije razvoja, kao i drugim poduzetim aktivnostima;

-Kontinuirane aktivnosti na kreiranju i jačanju javno-privatnog partnerstva.

Jura provodi i koordinira poslove implementacije vizije i strategije razvoja Općine, predlaže mjere za unapređenje partnerskih odnosa između javnog i privatnog sektora. U koordinaciji sa Službom za Privredu i finansije JURA prati privredna kretanja i ostvarivanje neposrednih kontakata sa poduzetnicima, poslove u vezi sa privredom, malim i srednjim preduzećima i privrednim društvima i kotinuirano provodi aktivnosti za stvaranje povoljnog poslovnog ambijenta. JURA prati koordiniranje i provođenje svih aktivnosti u razvoju i jačanju turističkih potencijala.

Općinski načelnik je implementator općinskih razvojnih politika i u tom dijelu posla mu pomaže JURA koja je u saradnji i koordinaciji sa drugim općinskim službama odgovorna za ostvarenje svih strateških ciljeva lokalnog integrisanog razvoja.

Godišnji ciljevi JURA-e za 2017. godinu su direktno vezani za sektorske ciljeve i vezani su za ispunjavanje projekata i mjera zacrtanih u Akcionom planu za 2017. U planu rada JURA-e za 2017. godinu i definisana su 4 cilja :

1. Pružena finansijska i stručna pomoć u intenziviranju poljoprivredne proizvodnje i kreiranju pozitivnog poslovnog ambijenta

U realizaciji Godišnjeg cilja 1. u koordinaciji za nadležnom općinskom službom realiziran je projekat sa Muslim Aidom „ **Podsticanje poljoprivredne proizvodnje u cilju ekonomskog osnaživanja porodica kroz plasteničku proizvodnju povrća na području općine Vareš**“ – 20 plastenika veličine 100 m² odabrano 20 korisnika u skladu sa utvrđenim kriterijima – sredstva Muslim Aid 40 %, Općina 40% i korisnik 20%.

2. Izrada nedostajućih prostorno-planskih dokumenata općine Vareš, urbanistički plan i regulacioni planovi

U saradnji sa Urbanističkim zavodom ZDK započete su aktivnosti na izradi i donošenju Prostornog plana.

3. Nastavak započetih aktivnosti i projekata na razvoju turističkih potencijala

U oblasti kulture, zaštite i unapređenja kulturno-historijskog i prirodnog naslijeđa po Javnom pozivu nadležnih ministarstava uspješno je aplicirano na sljedeće projekte koji će se realizirati u toku 2018 godine:

-“Sanaciono konzervatorsko-restauratorski radovi starog grada Bobovca”-

Ministarstvo prostornog uređenja FBiH;

-“Sanaciono konzervatorsko-restauratorski radovi starog grada Bobovca“-Ministarstvo kulture i sporta FBiH;

- Aktivnosti na realizaciji projekta „Etnološko istraživanje Vareša“ s predstavnicima Sveučilišta iz Zadra. Ove aktivnosti se provode već nekoliko godina u saradnji sa općinom Vareš i UG „ Kraljevski grad Bobovac“;

- U oblasti turizma nastavljene su intenzivne aktivnosti na regionalnom projektu Via dinarica - Zelena staza “Via dinarica”;

-“Osnaživanje ruralnih turističkih destinacija oko Sarajeva sa ciljem diversifikacije ruralne ekonomije” Alterural;

- Na lokalnom nivou došlo je do formiranja “Turis info centra” koji bi trebao u budućnosti zajedno sa predstavnicima općine voditi sve aktivnosti na promociji i jačanju svih turističkih potencijala općine Vareš. U cilju osnaživanja kapaciteta svih aktera razvoja turističkih potencijala predstavnici općine (Seoska gazdinstva, Udruženja vezana za ruralni razvoj i kulturu) su prisustvovali nizu seminara i edukacija;
 - Radionica “Kreiranje klastera u ruralnom turizmu u širem okruženju Sarajeva” u Kreševu;
 - Seminar “Turizam i kulturno-historijsko naslijeđe: načini valorizacije bosanskohercegovačkog turističkog potencijala na lokalnom nivou Sarajevo, EU info centar;
 - Radionica “Trendovi, digitalizacija i vidljivost na globalnom tržištu u ruralnom turizmu” u okviru projekta s Alteruralom;
 - Seminar “Jačanje kapaciteta kućanstava s potencijalom za razvoj obiteljskog turizma i B&B” (zelena staza Via Dinarice);
 - Studijski posjet spomeniku prirode Tajan i selima Strica Zarudje sa Alteruralom;
 - JURA je učestvovala u organizaciji i odlasku predstavnika općine na nekoliko sajмова koji su izuzetno dobro iskorišteni za promociju turističkih potencijala općine Vareš;
- Jura je učestvovala u pripreme i organizaciji niza manifestacija:
- Sačijada u Novoj Gajdobri, Bačka Palanka, Srbija;
 - Pekijada u Očeviji;
 - Kvadijada u Varešu;
 - Vaclaf festival u Varešu;
 - Slikarska kolonija u Varešu;
 - Ljetni festival Vareš 2017.

4. Poboljšanje kvalitete života građana kroz poboljšanje komunalne infrastrukture i unapređenje upravljanja otpadom

U oblasti unapređenja kvalitete života JURA je uspješno aplicirala na slijedeće projekte:

- Po javnom pozivu Vlade Republike Hrvatske uspješno je aplicirano i odobren je projekat izgradnja vodovoda „Pogar“ II faza -Izgradnja vodovoda u ruralnom području. Projekat će se realizirati u 2018. Godini;
- Po javnom pozivu UNDP-a odobren projekat „Izrada katastra klizišta“ – sistem ranog upozorenja projekat će se realizirati u 2018.godini;
- U oblasti ekologije donesena je Odluka OV Vareš o upućivanju „Studije izvodljivosti o zaštiti planine Zvijezde“ u daljnju proceduru, a JURA će u koordinaciji sa nadležnim službama učestvovati u svim aktivnostima. Ove provedene aktivnosti bile su preduslov za ulazak u projekat „Postizanje očuvanja biološke raznolikosti kroz uspostavljanje i efikasno upravljanje zaštićenim područjima i izgradnju kapaciteta za zaštitu prirode u Bosni i Hercegovini“ UNEP UNDP;
- „Izrada Studije za sanaciju jezera Veovača – započete aktivnosti na pripremama za realizaciju studije u saradnji Spoljnotrgovinskom komorom BiH i Mađarskom kompanijom „Naturaqua“ iz Budimpešte;

-Održan pripremni sastanak sa Ekološkim pokretom Gorana FBiH – provođenje aktivnosti u 2018. godini na jačanju ekološke svijesti učenika osnovnih i srednje škole.

-Rekonstrukcija Radničkog doma – III faza Uspješno aplicirano na Javni poziv UNDP-a, projektom će se objekat nakon 25 godina konačno staviti u funkciju;

JURA je tokom cijele godine kontinuirano pratila sve javne pozive nadležnih ministarstava kao i domaćih i međunarodnih organizacija i o tome pravovremeno obavještavala javne ustanove, predstavnike poslovnog sektora kao i Nevladine organizacije kojima je pružana i stručna pomoć u pisanju projektnih prijedloga, razvoju projektnih ideja kao i u izvještavanju o projektima čija je realizacija u toku ili su već završeni. U prilogu dostavljamo i listu Javnih poziva koji su proslijeđeni od strane JURE.

3.2. SLUŽBE ZA OPĆU UPRAVU, DRUŠTVENE DJELATNOSTI I BORAČKO INVALIDSKU ZAŠTITU

U toku 2017. godine Služba za opću upravu, društvene djelatnosti i boračko-invalidsku zaštitu (u daljnjem tekstu: Služba) izvršavala je sve poslove iz svoje nadležnosti, postupajući pri tome zakonito, pravilno, pravovremeno i ekonomično.

U okviru Službe vršeni su sljedeći poslovi:

- poslovi prijemne kancelarije (primanje, otvaranje, pregledanje i raspoređivanje pošte, klasificiranje predmeta i akata, zavođenje, združivanje i dostavljanje predmeta i akata u rad, razvođenje predmeta i akata, formiranje rokownika predmeta, otpremanje pošte),
- ovjera potpisa, rukopisa i prijepisa,
- arhiviranje i čuvanje predmeta i akata,
- poslovi građanskih stanja (matične knjige i knjige državljanstva),
- personalni poslovi,
- poslovi u vezi s organizacijom općinske uprave,
- upravni i stručni poslovi iz oblasti obrazovanja, zdravstva, socijalne zaštite, sporta, kulture, te omladinskog i nevladinog sektora,
- provođenje postupaka za ostvarivanje statusnih prava raseljenih osoba i izbjeglica i boračko-invalidske populacije,
- provođenje aktivnosti iz Strategije prema mladima i Strategije razvoja i unapređenja socijalne zaštite Općine Vareš,
- aktivnosti vezane za provođenje i poštivanje procedura međunarodnog standarda za upravljanje kvalitetom ISO 9001:2008, koji je Općina Vareš stekla početkom 2008. godine.

Slijede podaci o najvažnijim poslovima obavljenim u izvještajnom razdoblju.

1. Opća uprava

1.1. Poslovi prijemne kancelarije

VRSTA POSLOVA	OBRAĐENO PREDMETA	OSLOBOĐENO PRISTOJBE (broj predmeta)	NAPLAĆENA PRISTOJBA (u KM)
prijem i zavođenje u djelovodni protokol	6.578	–	–
ovjera potpisa	2.548	1.001	9.735,00
ovjera prijepisa	12.392	9.280	6.980,00

potvrde za inozemstvo	65	–	821,00
uvjerenja o zajedničkom kućanstvu	1.126	1.107	245,00
Ukupno naplaćeno administrativne pristojbe (u KM):			17.781,00

Cjelokupan registratorski materijal nastao u radu općinskih službi za upravu u toku izvještajnog razdoblja upisivan je u arhivsku knjigu po godinama i klasifikacijskim oznakama, sukladno donesenoj Listi kategorija registraturne građe s rokovima čuvanja.

1.2. Poslovi građanskih stanja

VRSTA POSLOVA	OBRADENO PREDMETA
prijem i zavođenje u djelovodni protokol	1.610
upis u matičnu knjigu rođenih sa svim propisanim radnjama	45
zaključenje braka sa svim propisanim radnjama	40
upis u matičnu knjigu umrlih sa svim propisanim radnjama	173
naknadni upis u matičnu knjigu rođenih	10
naknadni upis u matičnu knjigu vjenčanih	9
naknadni upis u matičnu knjigu umrlih	47
upis rekonstrukcije/obnove u matične knjige po rješenjima rukovoditelja Službe	41
izdavanje izvoda iz matične knjige rođenih	2.973
izdavanje izvoda iz matične knjige vjenčanih	687
izdavanje izvoda iz matične knjige umrlih	431
izdavanje međunarodnih izvoda iz matičnih knjiga	150
izdavanje uvjerenja o državljanstvu	1.459
izdavanje uvjerenja o činjenicama iz matičnih knjiga	237
izdavanje smrtovnice i njeno dostavljanje nadležnim organima radi pokretanja ostavinske rasprave	210
dostava izvješća o promjenama u matičnim knjigama koje se odnose na umrle osobe (za policijske stanice, druge matične urede, Centar za socijalni rad Vareš, Zavod za zdravstveno osiguranje – Poslovnica Vareš i Odsjek za boračko-invalidsku zaštitu)	657
Ukupno naplaćeno administrativne pristojbe za vjenčanja (u KM):	1.550,00

Pored prikaza u gornjoj tablici, stalno su vršeni i sljedeći poslovi: mjesečno obavještavanje Kantonalnog zavoda za statistiku, dostavljanje obavijesti o umrlim osobama za projekt CIPS, elektronska provjera podataka na zahtjev Agencije za identifikacijske dokumente, evidenciju i razmjenu podataka, ažuriranje biračkih popisa, unos podataka iz matičnih knjiga u elektronsku bazu (ukupan broj unosa na dan 31.12. 2017. godine iznosi 130.542), te verifikacija podataka u elektronskoj bazi.

1.3. Personalni poslovi

VRSTA POSLOVA	OBRADENO PREDMETA
obavljanje poslova u vezi s prijemom u radni odnos	stalan posao
izrada nacrtu rješenja koja proistječu iz radnog odnosa (prijem u radni odnos; prestanak radnog odnosa; godišnji odmori; rješenja i ugovori za volontere; ugovori o djelu i dr.	548

dostava podataka zajednicama za PIO/MIO i zdravstveno osiguranje o promjenama u toku osiguranja uposlenika	stalan posao
izdavanje uvjerenja o radnom stažu	120
izuzimanje pohranjenih radnih dokumenata	5

2. Društvene djelatnosti

U izvještajnom razdoblju Služba je radila i na realizaciji određenih programa i projekata u oblasti kulture, sporta, obrazovanja, civilnog društva, raseljenih osoba i povratnika, socijalne i zdravstvene zaštite i dr.

2.1. Kultura

U oblasti kulture Služba je kontinuirano radila na afirmaciji i promociji kulturno-historijskog naslijeđa i kulturne baštine Vareša. U tom cilju Služba je surađivala s institucijama i ustanovama svih nivoa vlasti kao i s domaćim i međunarodnim organizacijama čiji je primarni cilj djelovanja zaštita kulturno-historijskog naslijeđa i kulturne baštine. Ove su se aktivnosti ogledale i u stalnoj komunikaciji s nevladinim sektorom iz oblasti kulture s područja općine Vareš, uz povremeno angažiranje tih udruženja prilikom organiziranja određenih programa i manifestacija. Služba je u 2017. godini, direktno ili indirektno bila uključena u sljedeće manifestacije i programe:

- kontinuirana promocija i afirmacija kraljevskog grada Bobovca u suradnji s nevladinim organizacijama,
- podrška u organiziranju 11. Interkulturalnih kreativnih sedmica "Iks",
- podrška Odredu izviđača "Zvijezda" Vareš u organizaciji "Dana prijateljstva Vareš 2017." i ostalim manifestacijama,
- podrška NK "Vareš" prilikom obilježavanja godišnjice kluba i dolaska NK "Hajduk",
- partnerstvo s nevladinim organizacijama prilikom organiziranja manifestacije "Ljetni festival Vareš 2017.",
- podrška organiziranju Večeri poezije sa Desom Franjković,
- suorganiziranje VIVA festivala,
- suorganiziranje festivala klasične glazbe "Vareš Classic Festival" zajedno s UG "Milo Cipra".
- podrška u organizaciji 2. Pekijade "Očevija 2017".

2.2. Raseljene osobe i povratnici, socijalna i zdravstvena zaštita

U toku 2017. godine izdano je 12 uvjerenja o statusu, u svrhu ostvarivanja pripadajućih prava povratnika i raseljenih osoba.

Služba provodi interne aktivnosti na reviziji i ažuriranju baze podataka raseljenih osoba. Provjerava se status prebivališta, života (da korisnik nije preminuo) i smještaja, te se prema prikupljenim dokazima, u skladu sa Zakonom o raseljenim licima i povratnicima, donosi rješenje.

Služba u većini slučajeva postupke pokreće po službenoj dužnosti jer raseljena lica ne prijavljuju promijenjene okolnosti. U toku 2017. provedeni su upravni postupci za prestanak statusa 11 porodica raseljenih lica.

Zaključno s 31.12. 2017. godine na službenoj evidenciji Općine Vareš je 41 raseljena osoba u 23 porodice.

2.3. Socijalna zaštita

U toku 2017. godine Služba je pratila propise iz oblasti socijalne zaštite i kontinuirano surađivala s JU "Centar za socijalni rad" Vareš. Pritom je poseban akcent stavljen na provođenje i praćenje provođenja Strategije razvoja i unapređenja socijalne zaštite Općine Vareš, uz uključivanje svih aktera (Centar za socijalni rad, Dom zdravlja, Policijska stanica Vareš, nevladine organizacije i mjesne zajednice).

Još uvijek se primjenjuje Odluka Vlade Zeničko-dobojskog kantona iz 2014. godine o ostvarivanju pomoći za plaćanje troškova stanovanja osobama koje su uslijed prirodne nesreće izmještene iz svojih domova. Prema uputama kantonalnog Ministarstva za rad, socijalnu politiku i izbjeglice, Služba provodi upravni postupak za ostvarivanje naknade troškova smještaja za tri domaćinstva, u kontinuiranom tromjesečnom produžavanju prava na naknadu smještaja do obnove kuća.

Radi se o jednoj porodici čija je kuća oštećena u klizištima 2014. i u fazi je izgradnje, te dvije porodice iz Stupnog Dola koje su izmještene iz svojih kuća zbog klizišta u srpnju/julu 2016. godine.

2.4. Socijalna i zdravstvena zaštita - zdravstveno osiguranje

U skladu sa zakonom i uputstvima nadležnog kantonalnog ministarstva, u 2017. godini nastavljeni su postupci za priznavanje ili prestanak prava na zdravstveno osiguranje i ostvarivanje osnovne zdravstvene zaštite osobama koje nisu osigurane po drugom osnovu, a među koje spadaju:

- djeca do polaska u osnovnu školu,
- samohrane majke/porodilje sa djetetom starim do godinu dana,
- učenici i studenti.

U provođenju postupka ispoštovane su propisane procedure upravnog rješavanja, obavezno uključujući provjeru podataka i dokumentacije uz zahtjev, direktni razgovor sa strankom, formiranje službenih zabilješki, prijava/odjava svakog osiguranika u Poreznoj upravi, kao i obavještanje Zavoda zdravstvenog osiguranja.

Na osnovu zakonskih i podzakonskih akata, osnovan je Zdravstveni savjet Općine Vareš, čiji je primarni cilj zaštita i unapređenje prava pacijenata na području općine Vareš.

2.5. Socijalna zaštita - dodjela jednokratne novčane pomoći novorođenoj djeci

Na temelju Odluke o dodjeli jednokratne novčane pomoći svakom novorođenom djetetu, broj: 01-69/14 od 27.02. 2014. godine, u toku 2017. godine obrađeno je 35 zahtjeva.

Početkom godine izvršene su isplate po 13 rješenja iz 2016. za koje je kasnila isplata, a do 31.12. 2017. godine realizirane su isplate po svim rješenjima iz 2017. godine.

2.6. Obrazovanje

U izvještajnom razdoblju ostvarivani su redovni kontakti sa školama u cilju izvještavanja o postignutom uspjehu u učenju i vladanju, kao i uključivanje i praćenje projekata koji se realiziraju u školama a odnose se na projekte edukacije i upoznavanje s novim modelima u obrazovanju, prevenciju negativnih pojava, te na jačanje uloge Vijeća roditelja, učenika i nastavnika.

Služba je provodila i aktivnosti na realizaciji subvencioniranja mjesečne karte za učenike vozare MSS "Nordbat-2" Vareš, prikupljanje neophodne dokumentacije, ažuriranje spiskova i njihovo pravovremeno dostavljanje ovlaštenom prijevozniku. U 2017. godini u prosjeku je subvencionirana mjesečna karta za 27 učenika-vozara.

Provedena je konkursna procedura kantonalnog Ministarstva za obrazovanje, nauku, kulturu i sport za dodjelu stipendija studentima za akademsku 2016/17. godinu i za 15 studenata su odobrene stipendije.

2.7. Suradnja i partnerstvo s nevladinim sektorom

U izvještajnom razdoblju pokrenuta je procedura ažuriranja evidencije nevladinih organizacija i udruga građana sa sjedištem na području općine Vareš s ciljem utvrđivanja stvarnog broja aktivnih nevladinih organizacija i udruga građana. Posebna pažnja posvećena je kontinuiranoj komunikaciji s ciljem prikupljanja informacija o aktivnostima nevladinog sektora, naročito u onim oblastima ili projektima koji su u direktnoj ili indirektnoj vezi s organom uprave.

U tom kontekstu, a poštujući Programe rada Općinskog vijeća, Služba je pripremila informacije o aktivnostima nevladinog sektora s područja općine Vareš. Također, Služba je nastojala pravovremeno obavještavati udruge građana o svim javnim pozivima za dodjelu sredstava neprofitnim organizacijama, koji su objavljivani od strane nadležnih ministarstava, kao i domaćih i stranih ustanova i organizacija. Pružana je stručna pomoć pri izradi projektnih prijedloga, kompletiranju dokumentacije, te kroz pisma podrške, namjere ili izjave o partnerstvu u određenim projektnim aktivnostima.

Kao i prethodnih godina, pružana je pomoć i podrška UG "Narko-ne" u organiziranju i provođenju projekta Interkulturalne kreativne sedmice "Iks". Za vrijeme provođenja projekta, Služba je bila na raspolaganju voditeljima projekta, nastojeći da projektne aktivnosti budu realizirane blagovremeno i na planirani način.

S ciljem unapređenja rad NVO sektora, određenom broju nevladinih organizacija su osigurane kancelarije koje su opremljene uredskom opremom.

2.8. Suradnja i rad s mjesnim zajednicama

Kontinuirani zadatak Službe u izvještajnom razdoblju bio je podizanje nivoa organiziranosti rada organa mjesnih zajednica i međusobna suradnja u cilju poboljšanja uvjeta za rad mjesnih zajednica kroz uređenje i adaptaciju predviđenih prostora i opremanje prostorija kancelarijskim namještajem i računarskom opremom. Te aktivnosti ogledaju se u sljedećem:

- provedeni su izbori u mjesnim zajednicama,
- ažurirana je evidencija o pečatima mjesnih zajednica i njihovoj upotrebi,
- ažurirani su i vođeni dosjei mjesnih zajednica,
- izdavana su uvjerenja predsjednicima mjesnih zajednica,
- po zahtjevu mjesnih zajednica vršena je zamjena dotrajalih i oštećenih pečata mjesnih zajednica (uništavanje starih i izrada novih pečata) u skladu s propisima kojima je definiran ovaj postupak,
- po zahtjevu mjesnih zajednica vršeno je servisiranje računara i računarske opreme,
- predsjednici mjesnih zajednica su pismeno pozivani na javne rasprave o dokumentima koji su upućivani Općinskom vijeću na razmatranje i usvajanje,
- Služba je izradila i dostavila primjere obrazaca (zapisnici sa zбора građana i savjeta mjesnih zajednica, izvještaji, zahtjevi i dr.) s ciljem postavljanja adekvatnog standarda u pismenoj korespondenciji, prvenstveno radi potpunije i efikasnije suradnje i praćenja rada organa mjesnih zajednica,
- pružana je pomoć i podrška prilikom izbora odnosno reizbora organa mjesnih zajednica,

- pripremljena su izvješća o radu savjeta mjesnih zajednica, koja su kasnije usvojena od strane Općinskog vijeća Vareš,
- blagovremeno su obavještavani predsjednici mjesnih zajednica o objavljenim javnim pozivima s ciljem kandidiranja projektnih ideja,
- kontinuirano je surađivano s predsjednicima mjesnih zajednica na rješavanju problema iz oblasti zdravstvene i socijalne zaštite, obrazovanja, infrastrukture i dr.

3. Boračko-invalidska zaštita

Na evidenciji Odsjeka za boračko-invalidsku zaštitu nalazi se 301 korisnik za koje je tokom 2017. godine svakog mjeseca vršen obračun naknade za ličnu i porodičnu invalidninu.

U izvještajnom razdoblju u postupku ostvarivanja dopunskih prava demobiliziranih boraca, ratnih vojnih invalida i obitelji poginulih izdan je sljedeći broj rješenja:

VRSTA POSLOVA	BROJ RJEŠENJA
vanredna novčana pomoć	167
naknada za liječenje i nabavku lijekova	92
naknada za troškove sahrane/dženaze	49
stipendije studentima braniteljima i članovima njihovih obitelji	78
pomoć za nabavku udžbenika za učenike iz porodica boračkih populacija	100
banjsko-klimatsko liječenje/medicinska rehabilitacija	8
zdravstvena zaštita	12
stambeno zbrinjavanje	18
dodjela sredstava za podsticaj za upošljavanje branilaca i članova njihovih obitelji	2
dodjela sredstava za podsticaj samozapošljavanja branilaca i članova njihovih obitelji	12
UKUPNO	538

3.3. OPĆINSKA SLUŽBA ZA PROSTORNO UREĐENJE I SLUŽBA ZA PRIVREDU, FINANSIJE I TREZOR

Rad općinske Službe za prostorno uređenje, urbanizam, privredu i finansije odvijao se na realizaciji poslova iz nadležnosti ove službe, odnosno izvršavanju zakona i drugih propisa i opštih akata u oblastima prostornog uređenja, građenja, stambenih i komunalnih djelatnosti, imovinsko-pravnih i katastarskih poslova, privrede i finansija

Da bi se obezbijedilo izvršavanje funkcije za koju je formirana, ova služba je činila značajne napore za praćenje stanja u ovim oblastima i preduzela je odgovarajuće mjere za rješavanje određenih pitanja..

U 2017. godini je preko interne dostavne knjige u službu dostavljeno 3.102 različitih zahtjeva, dopisa i dr, koji su proslijeđeni unutar službe po nadležnostima. Takođe su dostavljani i različiti akti koji su dostavljani općinskom načelniku a onda na Službu.

Radi boljeg pregleda izvršenih poslova i radnih zadataka u ovoj službi, te o stanju broja riješenih predmeta, dajemo pregled po pojedinim oblastima.

urbanizam i građevinarstvo

R. broj	Naziv predmeta	Broj obrađenih predmeta			Naplaćena taksa KM			Renta KM			Uređenje građevinskog zemljišta(UGZ) ljetne bašte i dr. KM		
		godina			godina			godina					
		15	16	17	2015	2016	2017	2015	2016	2017	2015	2016	2017
1	Urbanističke saglasnosti	39	39	17	2.800,00	3.190	3.565				11.489,2	8.517,00	9.754,52
2	Odobrenja za građenje	5	6	40	675,00	400	1.085	16.407,72	2.117,18	6.146,83	3.168,99	478,00	4.584,70
3	Odobrenja za upotrebu	7	7	16	1.758,00	1.450	1.190						
4.	Naknada za korištenje cestovnog zemljišta	11	13	-	55.550,90	40.442							
5.	Cestovne saglasnosti	1	2	1	555,00	600	300						
ukupno		56	57	62	61.338,90	45.672	6.240	16.407,72	2.117,18	6.146,83	14.658,2	8.995,00	14.339,22
					2015	2016	2017						
		Sveukupno naplaćeno KM			92.404,82	56.784,18	26.726,05						

geodetsko-katastarski poslovi

Red broj	Naziv predmeta	Broj obrađenih predmeta			Naplaćena usluga KM		
		godina			godina		
		2015.	2016.	2017.	2015.	2016.	2017.
1.	Izrada kopije katastarskog plana	347	366	396	4.983,00	5.977,00	7.792,00
2.	Izrada prijepisa posjedovnog lista	723	1094	1107	5.288,00	8.752,00	8.704,00
3.	Izrada uvjerenja o veličini posjeda	205	85	92	535,00	425,00	315,00
4.	Zahtjevi za cijepanje parcele	18	22	15	3.680,00	5.080,00	3.600,00
5.	Identifikacija parcela	290	238	188	801,00	1.401,00	1.538,00
6.	Troškovi provođenja	72	113	145	4.320,00	6.780,00	8.700,00

7.	Uplana objekata	5	6	18	675,00	975,00	2.430,00
8.	usaglašavanje	11	7	2	77,00	49,00	14,00
9	Provođenje komunalnih uređaja	1	1	12	2.307,50	89,50	1.235,00
ukupno		1.672	1.932	1.965	22.666,50	29.528,00	34.328,00

imovinsko-pravni poslovi

Red. broj	Naziv predmeta	Broj obrađenih predmeta		
		godina		
		2015.	2016.	2017
1.	Rješenja o utvrđivanju prava na nekretnine	14	13	55
2.	Promet nekretnina	4	4	15
3.	Rješenja o prenosu nekretnina	4	-	3
4.	Rješenja o izuzimanju nekretnina	1	-	3
5.	Odluka o ukidanju statusa nekretnina	2	1	3
6.	Procjena nekretnina	-	-	1
7.	Odluke prema vijeću	11	3	13
8.	Obnova postupka eksproprijacija	-	-	-
9.	Rješenje o razgraničenju	1	-	1
10.	Zaključak	21	12	30
11.	Ugovor o zakupu za pravo služnosti	72	32	14
12.	Ugovor o zakupu za poljoprivredne djelatnosti	4	8	5
13.	Raspravljanje uzurpacija	3	4	5
14.	Rješenje o redovnoj upotrebi	-	12	-
15.	Rješenje o gubitku prava na zemljištu	2	2	3
16.	Eksproprijacija	-	2	3
17.	Utvrđivanje općeg interesa	1	9	2
18.	Ostalo	165	85	107
ukupno		306	181	263

stambeni poslovi

R. Br..	Naziv predmeta	Broj obrađenih predmeta		
		2015	2016	2017
1.	Rješenja iz stambene oblasti (razno)	12	10	10
2.	Uvjerenja	10	15	15
3.	Ugovor o zakupu općinskih stanova	-	52	09
	Ugovor o zakupu općinskih poslovnih prostora i garaža		47	13
5.	Rješenja o utvrđivanju			

	naknade za korištenje građevinskog zemljišta za stambene i poslovne objekte	2.047	2.043	2.302
6.	Rješenja o utvrđivanju komunalne naknade za stambene i poslovne objekte	1.842	1.839	2.148
	ukupno	3.911	3.907	4.497

Komunalno-građevinska i eko policija

U navedenom periodu komunalno-građevinski inspektor i eko policajac su uradile sljedeće:

Red broj	Naziv predmeta	Broj obrađenih predmeta		
		godina		
		2015.	2016	2017
1.	Zapisnički pregledi po zahtjevima građana i uočenim nedostacima prilikom kontrole	155	165	150
2.	Rješenja o otklanjanju uočenih nedostataka	10	17	15
3.	Upozorenja o kršenju Odluke o komunalnom redu i drugih propisa	18	19	6
4.	Informacije o pregledom konstatovanih nedostataka na licu mjesta i odgovora na upućene zahtjeve građana za koje nije nadležan Komunalni inspektor i Eko policajac, službene zabilješke i ostalo	62	52	47
5.	Zaključak o izvršenom pregledu,	3	4	1
6.	Zahtjev za pokretanje prekršajnog postupka	2	2	-
7.	Prijedlog za uklanjanje građevine zbog fizičke dotrajalosti	-	-	7
	UKUPNO	176	259	226

Uz sve navedene pismene akte, prilikom obavljanja kontrole izdato je više usmenih upozorenja o kršenju propisa, kao i vršenja nadzora na ugovoru o gradskoj higijeni i nadzora na ugovoru o zimskom održavanju lokalnih cesta i ulica te veći broj razgovorasa građanima u cilju davanja stručnih savjeta.

Poslovi obnove i rekonstrukcije

Realizovani projekti infrastrukture u 2017. godini

1. Priprema i asfaltiranje dijela lokalnog puta G. Borovica-Pogar dužina 1.200 metara,
2. Izvođenje radova na sanaciji dijela lokalnog puta Pajtov Han-Budoželje dužine 1.200 metara,
3. Rekonstrukcija dijela regionalnog puta R- 444aVareš-Bobovac-Kraljeva Sutjeska, od skretanja za Pogar prema Mrestilištu, u dužini od 1.300 metara.
4. Rekonstrukcija ulica Tirići i Selište

5. Izvođenje radova na hitnoj intervenciji i sanaciji šteta uzrokovanih poplavama na kolektoru Bukov potok i sanacija korita rijeke Stavnje-općina Vareš

6. Sanacija područne škole u Dabrinama

7. Rekonstrukcija Osnovne škole Vareš Majdan – radovi u toku

8. Izgradnja područne škole u Ravnima elektroinstalacije

9. Rekonstrukcija Radničkog doma- radovi u toku

10. Izgradnja voovoda Pogar-II faza; radovi u toku

11. Izvođenju radova na realizaciji projekta :Utopljanje obliješta "Dječije obdanište" u Varešu (instalacije grijanja, keramičarski i stolarski radovi)

Tokom 2017. godine završena je obnova 9 stambenih jedinica prema Javnom pozivu Federalnog ministarstva raseljenih osoba i izbjeglica.

Poslovi računovodstva i financija

- Zatvaranje knjiženja u svim modulima glavne knjige za 2017. godinu,
- Popis imovine (cjelokupna imovina u zgradi općine i zgradi vatrogasnog doma te usklađivanje iste sa inventurnim brojevima),
- Popis potraživanja, obaveza i novčanih sredstava,
- Izrada i dostava obrazaca GIP za uposlene radnike u Poreznu upravu – Ispostava Vareš, te dostava GIP obrazaca za općinske vijećnike i članove radnih tijela Općinskog vijeća i članove komisija izvan organa uprave i lica koja su bila angažovana od strane organa uprave po osnovu ugovora o djelu,
- Obračun i isplata plaća uposlenih radnika, te ostalih naknada koje im po zakonu pripadaju,
- Izrada proračuna/budžeta za 2019. godinu,
- Izrada Dokumenta okvirnog proračuna/budžeta za period 2019. - 2021. godina,
- Naplata potraživanja po osnovu korištenja gradskog građevinskog zemljišta, komunalne naknade, naknade po osnovu korištenja gradskog zemljišta za uspostavljanje ljetne bašte, te ostalih vrsta naknada od strane fizičkih i pravnih lica,
- Izrada završnog računa za 2017. godinu,
- Izrada Izjave o fiskalnoj odgovornosti za 2017. godinu,
- Izrada završnog izvješća o financijskom poslovanju u 2017. godini za Općinsko vijeće,
- Izrada kvartalnih izvješća o financijskom poslovanju u 2018. godini za Općinsko Vijeće;
- Obračun i isplata naknada za općinske vijećnike i njihova radna tijela,
- Obračun ostalih primanja za rad članova komisija izvan organa uprave i ugovora o djelu,
- Izrada periodičnih obračuna o poslovanju Općine Vareš u 2018. godini,
- Realizacija plaćanja prispjelih obaveza prema dobavljačima u okviru raspoloživih sredstava,
- Izrada izlaznih računa prema korisnicima usluga (pravne osobe),
- Knjiženje svih poslovnih promjena,
- Dnevna evidencija blagajničkog poslovanja,
- Popunjavanje obrazaca za statistiku (RAD-1 i RAD-1 G) i izvještavanje Federalnog zavoda za statistiku o istim,

- Popunjavanje mjesečnih obrazaca prihoda (obrazac 3.) i izvještavanje Ministarstva financija ZDK o istim,
- Suradnja sa Općinskim pravobranilaštvom u pogledu praćenja prinudne naplate za sporove koji su pokrenuti kod nadležnog suda,
- Popunjavanje mjesečnih obrazaca prihoda i rashoda (obrazac 10.),
- Ostali tekući poslovi.

Poslovi obrta i poduzetništva

U ovom periodu urađeno je sljedeće:

Rad u Komisijama formiranim od strane Općinskog načelnika i to:

- Komisija o imenovanju općinske komisije za procjenu šteta od prirodnih i drugih nesreća,
- Komisija o imenovanju komisije za utvrđivanje uvjeta za kategorizaciju turističkih objekata,
- Komisija o imenovanju komisije za pregled poslovnih prostora u ugostiteljstvu,
- Komisija za provođenje postupka po Javnom pozivu za prikupljanje zahtjeva za raspored taksi vozila na taksi stajališta na području općine Vareš za 2018. godinu

Rad se uglavnom svodi na prijem stranaka i rješavanje po njihovim zahtjevima. Zahtjevi se podnose za otvaranje objekata u oblasti trgovine, ugostiteljstva i turizma, obrta i srodnih djelatnosti (npr. poljoprivreda i sl.), privatnih poduzeća i sl. Izdaju se rješenja i u oblasti prometa; autoprijevoz, taxi prijevoz i prijevoz za vlastite potrebe, zatim privremene i trajne odjave djelatnosti, rješenja za produženi rad ugostiteljskih objekata, razne potvrde, suglasnosti i sl. administrativni poslovi, te rad na izradi Informacija za Općinsko vijeće koje se odnose na ovu oblast.

U 2017. godini urađeno je:

6 rješenja koja se odnose na razne promjene u okviru registrirane djelatnosti,
30 rješenja o odjavi djelatnosti /trajne odjave(30) uključujući i neke odjave od prijeratnih djelatnosti

- 4 rješenja za obavljanje obrtničke djelatnosti,
- 4 rješenja za obavljanje poljoprivredne djelatnosti,
- 1 rješenje za obavljanje ugostiteljske djelatnosti,
- 3 rješenja za obavljanje trgovinske djelatnosti,
- 5 rješenja za obavljanje prijevoza (2 autoprijevoz i prijevoz za vlastite potrebe 3),
- 2 rješenja u okviru firme registrirane u sudu
- 60 rješenja za produženi rad ugostiteljskih objekata

Ukupno 115 rješenja .

Izdane su dopunske oznake za registrirane taksi vozače, ovjerene trgovačke knjige na malo, cjenovnici i normativi u ugostiteljskim objektima, izdato nekoliko potvrda, uvjerenja i slično. Na sve podnesene zahtjeve se rješava uglavnom pozitivno i to u što kraćem roku.

Poslovi iz poljoprivrede

U toku 2017 godine nastavljena je implementacija aktivnosti iz usvojene **Strategije razvoja poljoprivredne proizvodnje na području općine Vareš za period 2014-2018 godine.**

Najvažnija aktivnost koju smo nastavili realizovati iz usvojene Strategije razvoja poljoprivredne proizvodnje na području općine Vareš je bila nastavak zasnivanja novih

plantažnih zasada malina naših poljoprivrednih proizvođača. Ukupno je do sada podignuto preko 200 dunuma novih zasada malina. Druga aktivnost nadležne službe u implementaciji usvojene Strategije je bila nastavak otkupa mlijeka Farme „Zarudje“ sa MZ. Striježevo, Budoželje, Pogar, Strica i Vareš.

U izvještajnom periodu u 2017 godini nastavljena je realizacija je više projekata iz predhodnih godina iz oblasti poljoprivredne proizvodnje i to:

IFAD PROJEKAT

U 2017 godini IFAD-u su proslijeđena 3 mikro projekta ruralne infrastrukture i to:

- Mikro projekat rekonstrukcije i natkrivanja lokalne tržnice za prodaju poljoprivrednih proizvoda
- Mikro projekatni prijedlog rekonstrukcije puta kroz mjesnu zajednicu Budoželje i to dionice:
 - Glavica – Skijarnica u dužini od 1045 metara (dio puta kroz selo Budoželje od centra sela do planinarskog doma Budoželja)
 - Budoželje – Podkadarići u dužini od 1000 metara (dio puta kroz selo Budoželje od centra sela do kraja sela Budoželja)
 - Rosulje - Musa u dužini 480 metara (dio puta kroz selo Budoželja od centra sela do Džamije)
- Mikro projekat „Izgradnja vodovoda Pogar“, općina Vareš – II faza, koja obuvata izgradnju:

U toku trajanja projekta sveke godine je predviđena realizacija jednog od gore navedenih i predloženih mikroprojekata.

Heifer projekat -(završena je realizacija III faze Heifer projekta iz oblasti poljoprivrede, a početa realizacija IV i V faze istog projekta)

Muslim aid projekat

U toku 2017 godine općina Vareš i NVO Muslim Aid su realizovali projekat nabavke 20 plastenika od 100m² na području općine Vareš. Općina Vareš je na osnovu svojih strateških ciljeva koji se odnose na poticanje poljoprivredne proizvodnje zaključila Sporazum sa humanitarnom organizacijom "Muslim Aid", broj: 01/2-02-175/17 od 16.02.2017.god. kojim su osigurana donatorska sredstva za dodjelu 20 plastenika od strane Humanitarne organizacije "Muslim Aid" 40%, Općina Vareš 40% i vlastitog učešća korisnika 20%, u projektu "Poticanja poljoprivredne proizvodnje a u cilju ekonomskog osnaživanja porodica kroz proizvodnju povrća na području općine Vareš"

Crs Projekat

Nadležna općinska služba je i u 2017 godini nastavila pratiti CRS-ov projekat pomoći održivog povratka za 9 povratnika kojima je Federalno ministarstvo Raseljenih osoba i izbjeglica u 2016 godini napravilo kuću. Na zahtjev CRS-a od 11–15 09.2017 godine izvršen je kontrolni obilazak aplikanata koji su u projektu CRS-a u toku 2016 godine dobili održivu pomoć iz oblasti poljoprivrede. Svi aplikanti su dobijenu pomoć koristili u 2017 godini, ista se nalazi na njihovim PPG i koristi se za vlastite potrebe. Neki od aplikanata su istu koristili i za ostvarivanje dodatnih prihoda svojih gazdinstava kroz obavljanje radova drugim osobama. Kontrolom je utvrđeno da ista nije otuđena (prodana). Svi aplikanti su dobili pozitivno mišljenje od strane komisije u ovoj kontroli koja je bila sastavni dio projekta. U okviru ove aktivnosti svi aplikanti su morali ispuniti i predviđene obrasce, te su isti proslijeđeni CRS-u.

Registracija poljoprivrednih gazdinstava

Projekat registracije poljoprivrednih gazdinstava je stalna i redovna zakonska aktivnost nadležne općinske službe. Do sada nadležna općinska služba je izvršila elektronsku obradu za 418 registrovanih gazdinstava poljoprivrednih proizvođača, izvršila unos podataka u aplikaciju kao i skeniranje priložene dokumentacije i njihovo prosljeđivanje federalnom i kantonalnom ministarstvu poljoprivrede. Od ukupno upisanih porodičnih poljoprivrednih gazdinstava na kraju 2017 godine, obavezu godišnjeg ažuriranja podataka na svom poljoprivrednom gazdinstvu izvršilo je 142 nosioca poljoprivrednih gazdinstava. Ažuriranja podataka je obavezno za sve one koji su upisani u Registar PPG i namjeravaju aplicirati na poticaje u poljoprivrednoj proizvodnji.

Poticaji u poljoprivrednoj proizvodnji

Pored realizacije navedenih projekata nadležna općinska služba je naručitu pažnju usmjerila pravovremenom obavještavanju poljoprivrednih proizvođača o donesenim zakonskim aktima za ostvarivanje novčanih poticaja iz oblasti poljoprivredne proizvodnje.

U toku 2017 godine poljoprivredni proizvođači sa područja naše općine su mogli da apliciraju na:

- Federalne poticaje u poljoprivrednoj proizvodnji
- Kantonalni poticaji u poljoprivrednoj proizvodnji
- Općinske poticaje u poljoprivrednoj proizvodnji

Pored stalnih aktivnosti na realizaciji Federalnih i Kantonalnih poticaja nadležna općinska služba je u toku 2017 godine realizovala i Općinske poticaje u poljoprivredi.

Ukupan broj naših poljoprivrednih proizvođača koji su aplicirali na Općinske poticaje u toku 2017 godine je bio 93 a ukupni broj stavki na koje su aplicirali je iznosio 134, pri tome su pojedini poljoprivrednici aplicirali na više stavki općinskih poticaja za koje su ispunjavali kriterije predviđene Uputstvom. Sve poljoprivredne proizvođače je obišla općinska komisija, provjerila stvake iz dostavljene dokumentacije na koje su aplicirali i na licu mjesta napravila zapisnik o činjeničnom stanju.

Ukupan iznos novčanih poticaja iz stavki programa i uputstva na koje su aplicirali poljoprivredni proizvođači je 25.324 KM, dok je Veterinarska stanica Vareš svojim aktivnostima kroz realizaciju 4 stavke iz Programa i Uputstva ostvarila poticaj u iznosu od oko 15.000,00 KM.

Pored gore navedenih projekata u oblasti poljoprivredne proizvodnje prisutne su i redovno se rade i sljedeće aktivnosti:

1. U oblasti poljoprivrede redovno se vode i dostavljaju nadležnim institucijama evidencije o statističkim podacima iz oblasti poljoprivredne proizvodnje i u okviru tih evidencija godišnje se vrši obračun bruto domaćeg proizvoda i dohotka individualnog sektora poljoprivrede.
2. Prate se zakonski propisi u oblasti poljoprivrede, doneseni od Federalnog, kao i Kantonalnog ministarstva poljoprivrede, vodoprivrede i šumarstva, te se isti i primjenjuju. Naručita pažnja se poklanja pravovremenom obavještavanju poljoprivrednih proizvođača o donesenim zakonskim aktima za ostvarivanje novčanih poticaja (federalnih, kantonalnih) iz oblasti poljoprivredne proizvodnje. Farmeri se obavještavaju putem oglasa u svojim MZ i lokalnog radija koje su to grane

poljoprivredne proizvodnje u okviru kojih mogu da ostvare novčane poticaje, kao i koje kriterije moraju ostvariti da bi dobili ove poticaje.

3. Prate se zakonski propisi u oblasti vodoprivrede, doneseni od Federalnog, kao i Kantonalnog ministarstva poljoprivrede vodoprivrede i šumarstva, te se isti i primjenjuju
4. Redovno se provode aktivnosti vezane za primjenu zakonskih propisa o nomadskom pašarenju, tj. vrši se putem inspekciskog nadzora kontrola o skopljenim ugovorima o pašarenju između stočara nomada i lokalnog stanovništva o ustupanju svog zemljišta za nomadsku ispašu, kao i ostalih zakonom predviđenih akata u oblasti pašarenja.
5. Redovno se prate Javni Pozivi od nadležnih ministarstava kao i međunarodnih agencija i NVO koji u svojim aktivnostima imaju stavku poljoprivredna proizvodnja i o njima obavještavaju poljoprivredni proizvođači i NVO koje djeluju na području naše općine.
6. Redovno se provode aktivnosti iz Projekta Registracije PPG tj. radi se Registracija novih porodičnih poljoprivrednih Gazdinstava i Klijenata (PPG), kao i ažuriranje podataka već registrovanih PPG. Sa 31.12 2017 godine ukupan broj registrovanih PPG je 355, a broj ažuriranih PPG u toku 2017 godine je 80.

Ostali poslovi

Pored naprijed navedenih poslova, u ovoj službi su urađeni i sljedeći poslovi:

- prijem stranaka i uzimanje izjava od istih
- razni dopisi za Općinski sud, preduzeća, ustanove i druga pravna lica, ombudsmene, federalna i kantonalna ministarstva.
- priprema informacija, rješenja i odluka za Općinsko vijeće
- provođenje kompletne procedure po Zakonu o javnim nabavkama za projekte koji su realizovani na području općine Vareš:
 - evidentiranju rezultata analiza životnih namirnica, vode i briseva dobivenih od Službe za zdravstvenu ekologiju i higijenu (bilteni).
 - izrada naredbi i izvještaja o provođenju obavezne preventivne sistematske deratizacije, dezinfekcije i dezinfekcije na području općine Vareš-proljetna, jesenja faza.
 - redovno praćenje javnih poziva od viših nivoa vlasti kao i apliciranje po javnim pozivima iz nadležnosti službe

3.4 SLUŽBA ZA CIVILNU ZAŠTITU

Služba za civilnu zaštitu je u toku 2017. godine obavljala upravne i stručne poslove u oblasti za koje je nadležna, a prevashodno provodila aktivnosti po pitanju zaštite i spašavanja ljudi i materijalnih dobara od prirodnih i drugih nesreća.

Služba je u skladu sa Programom rada Općinskog vijeća dostavila sve predviđene izvještaje, informacije i Odluke.

Putem Operativnog centra i Profesionalne vatrogasne jedinice vršeno je redovno praćenje cjelokupnog stanja na području općine i stanje vremenskih prilika.

Operativni centar civilne zaštite Vareš redovno je dostavljao izvještaje o stanju na području općine Vareš kao i redovne mjesečne izvještaje PVJ, Kantonalnoj upravi civilne zaštite ZDK-a.

Kantonalnoj upravi civilne zaštite dostavljene su informacije o minsko-eksplozivnim sredstvima, izvještaji o stanju zaštite od požara na području općine Vareš, sa akcentom na realizaciju Plana zaštite od požara i stanja opremljenosti Profesionalne vatrogasne jedinice, kao i svi drugi traženi podaci.

Federalnoj upravi civilne zaštite dostavljena je lista prioriternih zadataka za deminiranje u 2018. godini za područje općine Vareš

Vođena je prateća dokumentacija za uposlenike (evidencija o prisustvu na poslu, plan godišnjih odmora uposlenika za 2017, godinu i dr.).

U cilju revizije Službi Civilne zaštite, dostavljeni su dopisi JKP Vareš (Služba sanitarno ekološka), za ažuriranje i dostavu spiska lica i materijalno tehničkih sredstava, koja se nalaze u sastavu navedene Službe, JU Dom zdravlja Vareš (Služba sanitarno–ekološka i Služba za medicinsku pomoć) za ažuriranje spiska pripadnika navedenih Službi, i JU Veterinarska stanica za ažuriranje pripadnika (veterinarske Službe).

U toku 2017. Služba je izdala 164 rješenja o utvrđivanju obaveza plaćanja naknade za osiguranje sredstava Općinskog fonda za vatrogastvo

Zbog nedostatka sredstava nije bilo moguće vršiti određene obuke i vježbe pripadnika civilne zaštite.

U toku 2017. godine izvođeni su radovi na uklanjanju ruševnih objekata, angažovan je PLANT TIM (tim za uklanjanje ruševina Federalne uprave civilne zaštite) i uz asistenciju pripadnika PVJ Vareš izvršeno je uklanjanje ruševnog objekta u Vareš Majdanu.

Pored redovnih aktivnosti, koje se provode u izvršavanju preuzetih obaveza, (24-satno dežurstvo, održavanje ispravnosti MTS-a i cisterni za gašenje požara), kao i ostalih uslužnih djelatnosti za potrebe Općine i građana, PVJ Vareš je izvršavala i Zakonom propisane obaveze i niz drugih redovnih i vanrednih aktivnosti.

U PVJ Vareš trenutno je uposleno 9 izvršilaca na poslovima zaštite od požara.

Profesionalna vatrogasna jedinica općine Vareš u 2017. godini, imala je 69 intervencija gašenja požara uključujući šumske požare (PVJ je intervenisala na direktni poziv PJ Šumarija Vareš) kao i požare u privatnim, poslovnim i stambenim objektima, kao i intervencije na odlagalištima otpada i druge intervencije (raščišćavanje dotrajalih objekata u gradu, nekoliko intervencija na sklanjanju oborenog drveća).

Kada su u pitanju intervencije PVJ-a je u 2017 godini imala sljedeće vrste intervencija:

Red broj	Vrsta požara (uzrok požara)	Broj intervencija
1.	Šumski požari	17
2.	Požari nastali uslijed nedostatka na dimnjaku	16
3.	Stambeni objekti	02
	Pomoćni objekti	03
	Poslovni prostori,	02
4.	Ostalo (požari na odlagalištu Kota, intervencije na otklanjanju saobraćajnih nesreća kontejneri, sijeno, poplave i sl.	17
5.	Intervencije sklanjanja urušenih stambenih objekata- kuće, stabla na lokalnim putevima, spašavanje ljudi, i sl.	11
6.	Saobraćajne nesreće	01
	Ukupno	69

Profesionalna vatrogasna jedinica Vareš vršila je redovnu provedbu Plana stručnog i teoretskog osposobljavanja uposlenika. Urađen je Plan za stručno osposobljavanje iz praktičnog i teoretskog dijela znanja na polju ZOP-a.

Sve aktivnosti koje proističu iz pravilnika o radu i obavljanju obaveza PVJ Vareš prema Zakonu o zaštiti od požara su redovno izvršavane o čemu se vodi uredna evidencija.

Prema zakonskoj obavezi, nastavljena je djelatnost i obaveza pravnih subjekata, javnih ustanova i institucija na revidiranju internih Planova zaštite od požara.

Kao što je predviđeno u planu rada za 2017. godinu redovno se vršila Procjena ugroženosti od požara, kao i primjena Operativno-taktičkih planova za sve vrste intervencija koje se eventualno mogu desiti na području naše općine, o čemu su dostavljeni redovni izvještaji nadležnim institucijama.

U toku 2017. godine realizirane su sljedeće aktivnosti:

1.Sudjelovanje na Susretu vatrogasaca ZDK-a gdje je obilježen mjesec oktobar, Mjeseca zaštite od požara;

2. Izvršena je obaveza prema Općinskom vijeću, sukladno Planu rada OV za 2017. godinu, urađena je Procjena stanja zaštite od požara općine Vareš, kao i revidiranje Općinskog plana zaštite od požara;

3.Redovni kontakti rukovodioca PVJ s pravnim licima koja su imala konkretne obaveze na otklanjanju nedostataka i provođenje mjera ZOP-a, a prema izvještaju o stanju zaštite od požara;

4.Redovno 24-satno obavljanje dežurstva u PVJ, te vršenje redovnih pregleda motornih vozila i ostale opreme u PVJ;

U izvještajnoj godini, od opreme je nabavljeno 5 vatrogasnih crijeva, dvije mlaznice sa ručkom i dvije vatrogasne spojke.

Prema predviđenom Planu kao potrebama za gašenja požara tipa C,D,E nabavljeno je 200 l pjenila, 150 kg praha za gašenje požara, redovno je održavan i remontovan vozni park Profesionalne vatrogasne jedinice.

Također u toku 2017. godine formirano je „Dobrovoljno vatrogasno društvo «Vareš» Vareš“, koje će svojim djelovanjem i materijalno–tehničkim sredstvima biti od velikog značaja kada je u pitanju zaštita od požara na cijelom području općine Vareš.

Da bi u budućnosti Služba za civilnu zaštitu zajedno sa Općinskim štabom civilne zaštite kao i jedinicama opće i posebne namjene i Profesionalnom vatrogasnom jedinicom mogla kvalitetno izvršavati svoje obaveze i zadatke u oblasti zaštite i spašavanja ljudi i materijalnih dobara neophodno je izvršiti dodatno opremanje, odgovarajuće obuke, kontinuirano raditi na jačanju društvene odgovornosti svih pravnih i fizičkih lica prema navedenim oblastima. Naročito je važno da se sredstva namijenjena ovoj oblasti usmjeravaju i troše za programe zaštite i spašavanja ljudi i materijalnih dobara od prirodnih i drugih nesreća.

DOSTAVLJENO:

1 x Općinsko vijeće

1 x a/a

OPĆINSKI NAČELNIK

Zdravko Marošević